

دائرة مخصوصه

در سعادتده باب عالی جوارانده

محل اداره :

مشرق افکار

۱۳۲۶

اخطار :

مسئله مزه موافق آثار جدیدیه مع المنوئیه
قبول اولانور

درج ابدیه بن آثار اعاده اولانور

دیر، فلسفه، علوم، حقوق، ادبیات و سیاسیات و باطالع کرم سیاسی و کرم اجتماعی و مدنی احوال و مشوره اسلامیه و بحث ایدر و هفته ده بر نشر از انور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیر سه سنوی

۲۰ غروش فضله آلنیر

ممالک عثمانیه ایچون	۶۵	۳۵	غروش
روسیه	»	۶۵	۳۵۰ روبله
سائر ممالک اجنبیه	»	۱۷	۹ فرانق

عدد : ۱۰۳

۱۹ شعبان ۳۲۸ پنجشنبه ۱۲ اغستوس ۳۲۶

دردنجی جلد

مانع اولی ایستور و تبعه سنی حسیض جهل و ظلمتدن اوج علم و نوره ایصاله چالیشان بر حکمداره مجرد شو حرکشدن طولای تهیدلرده بولیور .

بوگون سیاسی بر آدمک نظرنده مرا کشک وضعیتی ساحلدن اوزاق دوشمش متلاطم بولانیق بریده بولان ایچی کیدر فرانسه طالعیق ایتمک ایستور هیچ تجربه سی سبق ایتمدیکی حاده مجرد ایچی نک یرنی بیلدیکندن طولای طالمق ایستور حالبوکه بر طالعیق نه قدر مهارتلی اولورسه اولسون دکزک براق بولیدینی زمانه تجربه لرده بولمیدر . بویه بر تجربه یه لزوم کورمیان فرانسه عاقبتی دوشونمک ایسته یور . اگر فرانسه حقیقه بوملکیتی مدینه قارشی آچق ایستورسه نیچون عربلره ترکی بوایده قولانیور ؟ دیمک که مقصد بشقه در او حالده فرانسه امین اولمیدر که قوانین طبیعه مغایر اوله رق فاسی ینما فکرینی طاشید قجه ظاهری نه قدر حسن نیت کوستیرسه کوسترسون اسلاملی آلداته میحق و فرانسه یه هیچ رفرده مسلم امنیت اظهار ایتمه جکدر . فرانسه بوجهتله آلدیرمه بویه عجا قوجه بر قطعه اسلامی نک حرمتی هتک حریتنی غصب ، عسکر لکینی احما ، حقوق استقلالیه نه تعرض ایتمکله اوچیوز یکر می بش میایون اسلامی کنیدیسه قارشی تحریک و اغصاب ایدجکیده نظاره المپورمی بتون دنیایه منتشر اسلاملرده مغرب اقتصادکی قدداشلینه روا کوریلان بو حاللردن حصوله کله جک تأثراتک نتایجی دوشونمورمی ؟

اسلام علیهنده بر مسلمان (۱)

اهالی اسلامی آراسنده ، حمداً لله رسول و ملتیه خیانت ایدنلر اندر یتیشیر : مع هذا بوسبوتون یوق دکلدرد . بویه بر یسنک وجودینی و یازیرینی قزانی «یولوز» رفیقمزدن خبر آلیورز . عارف خواجه یف نام اسلامی طاشیان بو آدم ، روسلرک آسیای وسطایی ، تورکستانی ، خرسیتیانلشدیرمق ، روسلشدیرمق ایچون طاشکندده لسان محلی ایله نشر ایتدکلری «ترکستان ولایتی کزتی نده ، قزان مسیونر قونفره سندن بحث ایدرک ، او قونفره نک روسیه لی دین قدداشلیرمزه ضرر لرینی بازوب کوسترن قزان و اورنیورغ مسلمان مطبوعاتنی تنقید و سمایت ایدیور . «خواجه یف» یازد قلدن ایشته بر قاج نمونه :

«اوروپا اقوامی دین و ملتلی فائده سنه نیجه ونجه جمعیتلر یاپیورلر . شو جمله دن تصوفیه ده اسلاملر قونفره سی اولدی . بوندن باشقه قزان شهرنده بویوک بر مجلس جمع اولوب ، روسیه نک هر طرفدن علما طویلانوب ، کنیدیلری حقنده مشاهدده بولندیلر . روسیه نک داخلی شهرلنده نشر اولون تاتار غزته لری بو جمعیتلر حقنده مجهول خبرلر طاغندیلر . بو نشریاتک نه لزومی واردی ؟ بولره تورکستان مسلمانلری هیچ قولاق آمازلر ، تورکستان اهالیسنه حکومتی (روس حکومتی) فنا کوستره منلر . بر آدمک کنیدی دینی محافظه یه چالیده سنه نه قاریشورسکر ؟ «بو اجتماعلر هیچ بر آدمی کنیدی دینلینه جلب ایچون اولیور . بومقاله لردن مراد کز تورکستان مسلمانلری حکومت دشملاشدرمق ایچوندرد ... الخ «یولوز» رفیق محترمز ، روسیه احوال سیاسی سیک مساعدا اولدینی درجه ده مقابله ده بولیور . از جمله مسیونر اجتماعلرینک صرف

خرستیانیلنی محافظه یه معطوف اولدینی ادعاسنه شوجوانی ویریور : «تورکجه غزته لر مطلقا روسجه ترجمه سیله باصیلسون ، مسلمان مکتب و مدرسه لری دائمی حکومت نظارتی آلتنده بولنسون ، کبی قرارلر ، مسلمان مطبوعاتنده بحث اولنده دن کچیله جک کبی مسائلدن دکلدرد . مملکت مزده رسماً حریت دینه موجود ایکن ، غیریلرک دینه تجاوز ایتمک ایستین بر قونفره نک مقررانه اعتراض ، حکومت عدم اطاعت صاییلورمی ؟ ذاتاً حکومت باشقه ، مسیونر جمعیتلری باشقه در . «

بزطر فزدن «یولوز» ک شجاعت مدینه سنی تقدیر و همت اسلامی سنی تجیل ایله خواجه یفک سوزلرینه مقابل دیگر یازاجق برشی کورمیورز . انجق ، تورکستان خاک پاکنده خواجه یف کبی اصیرغانلرک یتشمه سنه جوق متاثر اوله رق ، «ان الله لا یغیر ما بقوم حتی یغیروا ما بانفسهم» حقیقت ازایه سنی تحظر و اخطار ایلرز .

شون

دولت عثمانیه :

مراجع شریفه خطبه لر — کچن نسخه مرده خطبه لرله مواعظ دینه نک تأمین ترقیسی انجمنی نامیله مصرده تشکیک ایدن انجمنک نظامنامه سنی ترجمه ایتمشک . بوهفته دارالخلافه ده بوخصوصه اهمیت ویریلدیکی کورمکله بتون عالم اسلام مفتخردر .

صدر جلیل اسلامده اولدینی وجهله خطبه لرک احتیاجات حال وزمانه موافق اوله رق تنظیم و ترتیبی شیخ الاسلام موسی کاظم افندی حضرتلرنجه نظر دفته آنه رق همان فتواخانه عالی ارکاندن و مجلس مصالح طلبه ، تدقیق مؤلفات هیئتندن منتخب اعضادن مرکب بر مجلس تشکیک ایدلش و خطبه لرک دینی ، اخلاق ، اجتماعی برصورتده ترتیب و تنظیمیله بالعموم خطبایه نشر و تبلیغی بومجلسک وظائف اساسیه سی اولوق اوزره کوسترلشدرد .

جمعه و بایرام نمازلرینک ختامی متعاقب هر جامعک کرسی مشایخی طرفندن خطبه لرک مالی جماعت مسلمینه شرح و تفصیل ایدیله جکدر . شوعادت قدیمه اسلامی نک احیاسی جدأ جالب شکراندرد .

شوقدرکه بومجلسک دائره صلاحیتی توسیع ایدیله رک — مصرده اولدینی کبی — اوصاف مخصوصه پی حائز ذوات طرفندن کوندریله جک خطبه لرکده مسابقه قونوله رق ایچلرندن موافق اولانلرینک انتخاب و قبول اولونمی تمی اولور . بویه اولورسه هم خطبیلره تازیانه تشویق اولور ، همده کیمسه نک بر دیه جکی قالاز .

نشر نزاره — شریعت غرای احمدیه نک عام انسانیته بخش ایتدیکی احسن عادات جمله جمیله سندن اولان تستر نسوان امر مهمنه بعض نسوان اسلامی طرفلرندن تمامیله رعایت ایدلامکده و آداب و اخلاق ملییه مخالف اوضاع و حرکاتده بولنمقده اولدینی خبر ویرلدیکندن دیناً و سیاسیاً غیر قابل تجویز اولان بوکبی حالات غیر مرضیه نک هر حالده منی و سائلنک استکمالیله دین مبین و شرع قدسیت قرین عمیدینک محافظه احکامنه دقت واعتنا اولنمی خصوصنک تعمیماً اشعاری مقام مشیختنهایدن باتدکره اشعار اولمغله بر موجب اشعار کیفیت داخلیه نظارتندن امنیت عمومی مدیریتنه و تعمیماً ولایاته تبلیغ و ازبار قلنشدرد .

واعظلر — جمله ناسدن بعض کسانک کسوه علمایه کیره رک جوامع شریفه ده اقدس و اهم وظائف دینه دن اولان اجرای وعظ و نصیحت تصدی ایلکده اولدقلری خبر ویرلدیکندن بالامتحان مأذونیتی حاوی یدنده رخصتنامه اولیانلرک ابغای وعظ و نصیحت ایتملرینه مساعده ایدلمه سی لزومی طشره نوابته تعمیماً تبلیغ ایدلیدیکی کبی داخلیه نظارتندن ده بالعموم ولایات والویه مستقلیه یلدرلشدرد .

روسیه ای اسلام طلبه جمعیتی قلوبنده بر قونفرانس — دارالخلافه ده کی روسیه ای اسلام طلبه سی حیات تحصیله لری تنظیم مقصدیه تشکیل ایتدکاری جمعیت کوندن کونه فوائده حسنیه سی اقتطاف اولیور . طلبه موی الهم بودغه دها جدیت و فعالیتله بعض تشیبات علمیة نافعده بولونمشدر : وفاده کی قلوبلنده تفسیر ، حدیث ، تاریخ و سائرہ ... تدریسی ایچون متخصص ذوات عالیہ به مراجعت اولونمش ، ومع المنونیه قبول بیورمشدر . بوندن بشقه هر جمعه کونلری عمومی برر قونفرانس ویربله چکدر . ایملک قونفرانس اخلاق و تربیة اسلامیة دایر اولوب کچن جمعه کونی سیاح شهر عبدالرشید ابراهیم افندی حضرتلری طرفندن ویرلشدر .

قلوبلنده شهزاده عبدالرحیم افندی حضرتلری ده رفاقت نجابتینا هیلنده شانی ضابطانزدن خیرالله فیضیک قارداشمن اولدینی حالده تشریف بیورمشدر . خلافت معظمه اسلامیة ایله پیرایه داراولان خاندان سلطنت سنیة به منسوب برذاتک قلوبلری تشریف ایدیشی روسیه ای اسلام طلبه قارداشلمنری یک زیاده ممنون ودلشاد ایلدی .

— نعم الوسیله سز طلبه قارداشلمله ملاقاته کادم . . .

الغاف صمیمانه سنه طلبه لرحال خلوص قلب ایله تشکر ایتدکاری کی . عبدالرشید ابراهیم افندی طرفندن ده آریجه « روسیه ای اسلام طلبه قارداشلمنری کی اطفافاً خاطره کتیره رک تشریف بیورمکردن بتون روسیه ای اسلام طلبه بیوک برافتخار و مسرت ایچنده درلر » دیه آریجه تقدیم تشکرات اولونمشدر . براز استراحتی متعاقب قونفرانسه باشلامشدر . عبدالرشید افندی روسیه اسلامی آراسنده یشن بیوک حیثیورلردن ، ملت اوغورنده ایتدکاری خدمات نافعده دن . بوسایه ده روسیه اسلاملنده باشلایان انتباه فکریدن بحث ایتدکدن صوکر ا اخلاق ملیه به کچرک امتراک استقلال و بقای انجق اخلاق ملیه یک محافظه سنه متوقف بولوندیغنی کندینه مخصوص برغلیان حیثیه ایضاح ایتدشار و حاضرین طرفندن صمیمیتله الفشلامشدر . قونفرانسی متعاقب شهزاده حضرتلری و دیگر مسافرن کرام ینه کمال صمیمیتله وداع ایدرک مفارقت ایلشدر .

عراق عربده رارضینک قبائله تقسیمی — ترجمانک استخباراتنه نظراً شورای دولت دفتر خاقانی ناظری محمود اسعد افندی یک عراق عربده کی اراضینک قبائله تقسیمی حقنده ترتیب ایلدیکی بر قانون لایحه سنی تدقیق ایله مشغول اولمقده در . بوقانون موجبجه اراضی قومیه سیولرک نظارتی تحتده توزیع ایدیله چک و بواراضی صاحبیلری اوچ سنه هر درلو ویرکودن معاف قالدجنی کی یکریمی سنه مدته ده اراضیسی قطعاً صانامیه چقدر . بوقانون لایحه سی مجلس مبعوثانک کله چک دوره اجتماعنده تدقیق و تصدیق اولنه چقدر . شو مسئله یک مهم اولدینی ایچون ناظر مشارالیه طرفندن ترتیب اولنان لایحه حقنده افکار عمومی به معلومات ویرلمه سی الزمدر ، ذاتاً علی الاطلاق اراضی مسئله سی عثمانلیق ایچون بیوک بر مسئله سیاسی و اجتماعی در ، بناء علیه لایحه کسب قانونیت ایتمزدن اول بتون صفحاتی دور و دراز تدقیق و تحقیق ایدیلیدر .

مسلمانلرده انتباه ملی — صوفیه ده بر صورت جمیعه ده شهید ایدیلن پولیس قومیسری ابراهیم افندی یک روح مظلومه اتحاداً بتون ممالک عثمانیه جامع کیرلنده مولد نیولر قرائت ایدیلور ، ظالم و وحشیلر تلغیز اولونیور .

عثمانی منع مسکرات جمعیتی — مرکزی در سعادته اولق اوزره بونام ایله بر جمعیت تشکیل اولونمشدر . بوجمعیت مقصد تشکیلی وسائط مقصدیه ایله اهالی بی مسکرات استعمالندن و از کچیرمک ایچون بتون غیر نیله چالشمقدر . مقصد و وصول ایچون جمعیتک توسل ایدمچکی وسائط : اعلانات ، نواح ایله مسکراتک مضراتی افهام ، تدریسات و قونفرانسلر ترتیبی و غیره لری ایله مقالات مفیده و رسائل موقوته نشری ایله برابر نزد حکومتده تشیبات لازمه ده بولونمقدن ، تشویق و ترغیب اجرا سیله اجتماعات و مسابقلر و مکاتبلر ترتیبندن عبارتدر .

کیریم خرسیتیانلری فرصت قلوبلور — حانیة و قندیهدن چکیلن تلغرافلرده ، کوندریلن مکتوبلرده اسلاملره تجاوز بهانه سیله کیریم پالیقاریلریک نه چیرلین افترار ارتکاب ایتدکاری ، نه منفور شکلره کیردکاری

تصویر اولنیور . مثلاً اسلاملر خرسیتیانلری قتل ، ناموسلرینه تجاوز ، ماللری غارت ایدیلورلرمش ! . . .

حالبوکه جریان ایدن احوال بونک ضدیته در . فی الحقیقه اسلاملر بوکی شیلری باقی ایسته سملر بیله جرأت ایدمزلر . چونکه کیریم جزیره سنده اوچ یوز بیک اهالیدن ایکی یوز یتیمش بیک خرسیتیاندر ، اسلاملرک عددی اوچوز بیک تجاوز ایتور . نصل اولورکه اوچوز بیک کشی ایکی یوز یتیمش بیک کشی به ظلم و تعدی اجرا ایدمیلدون ؟

بوکی شایعه لری ایله تعقیب اولونان مقصد بللی در : اوروپا افکار عمومی سنی مسلمانلر علیه به جلب ایدرک اسلاملر حقنده بر قتال عمومی اجرا ایتک ایسته نیور . فی الحقیقه کیریمدن کلن بتون خبرلر بواحتالی تأیید ایدیلور . مسلمانلر جاناً ، مالاً ، نسلکده درلر . شوتلمکدن اوکی آلتی حکومتده ک مقدس ، اک مبرم وظیفه لرندن برینی تشکیل ایدیلور .

صلح عمومی قونفرانسه مصر مسئلہ سی — استوفیه لده بوسنه عقد ایدیلن صلح عمومی قونفرانسنه معلوم اولدینی وجه ایله مصر حزب الوطنی فرقه سی طرفندن بر هیئت اعزام ایداشدی . شو هیئت قونفرانسه مواجهه سنده انکلاترک مصر حقده اجرا ایتدیکی مظالمی تعداد ایدرک انکلاترک حکومتک مکرراً ایتدیکی وعدلره رغماً مصری تحلیه ایتمه سی مسئله سنه قونفرانسه دقتی جلب ایتدی . قونفرانسه هیئت ریاستی شو مسئله ک موضوع مذاکره ایدلمه سنه ممانعت ایتک ایسته دیسه ده روسیه طرفندن قونفرانسه اشتراک ایدن دارل قاروقوف شدتلی اعتراض ایله « مادامکه فنلاندیا مسئله سنی مذاکره ایتدیکن ، مصر مسئله سی ده مطلقاً مذاکره ایدلمه لیدر . روسیه حقنده بر درلو وانکلاترک حقنده ایسه باشقه درلو طاوارغی حق سزاق اولور . مصر مسئله سی مذاکره ایدلمه سی بونی پروتستو ایدمچکم . . . »

بونک اوزرینه قونفرانسه مصر مسئله سنی مذاکره ایدرک انکلاترکی تقبیح ایتمش و مصریلر حقنده بیانات ملته تانه ده بولونمشدر .

لیبونده مصر ایلمر ایچونه سکتب حقوق — فرانسلرک مصرده انکلیزلر طرفندن قوغولملری معلومدر . فرانسلر مصردن سیاستاً چیدقملری کی مؤسسات و مؤثرات معنویه لری ده برر برر محو ایدلمکده در . از جمله قاهرده بولنان حقوق مکتبده کی فرانسه شعبه سی لغو ایدلدی . وشوشه بونک مدیری اولان لامبر فرانسه به مهاجرت ایتک مجبوریتده قالدی .

لکن لامبر جنابلری شو موفقیتمزلک مأیوس ایتدی . وطنی اولان لیبون شهرینه عودت ایدرک اوراده مصر کنجیلری ایچون بر حقوق مکتبی تأسیس و کشاد ایتدی .

شو مکتبه مصر اعدایلری ا کمال ایدن کنجیلر قبول ایدیلور . حال حاضرده مکتبده فرق بین طلبه بولنیور . بولردن وسطی اوله رق سنوی درت یوز فرانق اجرت تدریسیه آلنیور .

طلبه لیبونه کلیر کلز بر طاقم عائله لری ارانسه تقسیم ایدیلر . هر عائله ده یالکز بر طلبه بولوندریلر . شو شرطلکه عربلر دها سرعتله فرانسه جهیه آلمه لری ایچون (۱) یکدیگریله کوروشه میه چکدر . طبیعی طلبه بولندینی عائله ایچنده کچنرک سنوی بر مقدار معین اجرت ویربیور .

طلبه شو مکتبده فرانسه قوانیندن باشقه اسلام قوانینده تحصیل ایدیلور ش . اسلام قوانینی تدریس ایدن بالذات موسیو لامبردر .

بوراده نظر قنیزی جلب ایدن نقطه شوقره اخیره ایله طلبه ک فرانسه عائله سنده بولمیه شی شرطی در : عجبا درت بین سنه فرانسه عائله سی ایچنده بولنوبده فرانسه عادات و اخلاقه ، فرانسه حیات و معاشرته آلمش بر طلبه اسلام محیطه نه حیات ، نه فکر بخش ایدمیلچک ، اسلام محیطی ایله نصل آ کلاش چق ؟ بوراسی بیوک بر مسئله در ! . .

صوکره بوکابرده موسیو لامبر طرفندن تدریس ایدیلن حقوق و قوانین اسلامی به علاوه ایدیکر ! بوتدریک نه صورتده و نه طرزده اجرا ایدیلچکی کسیرمک کوچ برشی چکدر . ایسته فرانسه عائله سی ایچنده بش سنده مدت بولونان و اسلامی موسیو لامبردن آلان بر کنج دماغک نه اولاجقنی بر

باری غوغالریله پارچالاش، قوتدن دوشمش بلغاریالی مسلمانلار اتحادیه
پک محتاجدرلر . بزده قیزانلق دین قارده شلریمز تبریک و بالقان سر محرری
بکک تشبث ملتپورانه سندن اوتری تشکر ایلر ویتون عالم اسلامک دائما بویه
قارداشجه مصافحه ده بولونمشی غنی ایدرز .

بر لومر انتباه : فله ده اسلاملرک منینفی — یکن کون فله ده
سید محمود جامنده عقد ایدیلن اسلام متینندن سوکره متینغ هیئت طرفندن
بلغار قرالنه کشیده ایدیلن تلغرافنامه نک صورتی :

حشمتلو چار حضرتلرینه
قلبه اهالی اسلامیه سنک قراری اوزرینه ۲ اغستوس ۹۱۰ سنه سی یوم
مخصوصی ملاسه سیله تبعه صاقه کزک حسیاتی عرض ایله بروج ویر معرو
ضامزی تقدیه جسات ایلرز :

اعمارات نظامنامه سی بهانه سیله آجیقندن آجیغه فله شهزده ایکی جامع
بیقلمشدر . وشمیدی ده اطفایش بلوکی طرفندن دها اوج جامع و مدرسه ملت
بیقلمشدر و بوندن ماعدا مال خراب دیه دیگر اوج جامع ده بیقلمشدر تشبثنده
بولینلیور . حکومت مرکزیه نزدنده کی تشبثنده ، یکی بریاش مفتی تعین
ایدیلجه یه قدر تأخیر اولنه جتی وعدی نمره سز قالمشدر . بناء علیه شوتعیبانه
نهایت ویرلسنی ذات حشمتناهیله رندن کمال احترامله رجا ایدرز .

موقوفه اسرار بر مجاور دها — دونکی کون شهر من (فله)
حیات اسلامیه سنه یه برضریه اولدی . برکابوس بلانک قهر و ظلمنده یه
مبانی اسلامیه سزدن بری بلدی طومباجیلرینک غدر باطله لرله خاک ایله یکسان
ایدلی . بیله سز که بوحالات هانکی قانون اجتماعی ، هانکی حقوق موضوعی
نقطه نظرندن معقول عد ایدیلرک اجرا ایدیلور . دها سزکی قورومیان
پروتوقوله باش مفتی تعیین اولمزدن اول مبانی اسلامیه دن هیچ برینک هدم
ایدیلجه کی محرر ایکن فله بلدی سی انجق مبانی اسلامیه دندر ، انک ایچون
بیقلمشدر ، نظریه سیله هر کون معابد اسلامیه سزدن برینه دست تعرضی
اوزادیور . دون ده کول مجلسی جامی اتصالنده کی مکتب بلدی نه کمال
حسیته قربان اولدک .

قلب نصل محزون اولسون ، روح نه ایچون کدرله علو بولمسون . هانکی
قانون مدیتدرکه بلابدل معابد دیزدن برینک هدمنه ، محوسه مساع ویریلور .
عدالت سوزلری می بوراده اجرای حکم ایدجه ک ، یوقسه مظالم نظریه سی !
ما کدونیا ده بلغارلر اجرای آیین ایچون حکومت طرفندن یکیدن کایسار
انشا ایدیلرکن بزم معبدلر سز هدی طوغریسی یا ! عدالتک ! صوکرده سی
اوله جق .

روسیه :

مسلمانانہ محکماترینه روسی مہاجرلری — بوسنه ۶ آی طرفنده
سیریاہ (۲۳۲) بیک : اوقا ، اورنبورغ ، طورغای و ترکستان طرفلرینه ده
(۵۸) بیکدن زیاده روس مہاجرلری چلاینسکی دن کچوب کیتملردر .

روسیہ مسلمانانہ تصدیقات — کنجہ ده برلی مأمورلر اسلام
مکتب و مدرسه لرینه زیاده جه دقت ایتمه باشلاوب نصل کتابلر اوقودلیدی
و معلملرک کیملر اولدیغنی تفتیش ایتملردر .
§ شهر اداره لری باش نظارتی ولایت مجلس اداره لرنده خدمت ایدلرک
هانکی ملتہ مذہب اولدیلری حقندہ معلومات ایستہ مش .
دیمک روس اولمایانلر برلرندن چیقاریلہ جق ! ! !

روسی میسورلرینک فعلیتی — سیریاہ ایلک دفعہ اوله رق ، ابرقوتی
شهرنده برمسیر قونفره سی آچلق اوزردر . قونفره نک پروغرای ،
آز اول قزانده انعقاد ایتش قونفره کنندن دها واسع اوله جقدر . بوقونفره یه
برسوری رسمی میسورلردن غیری ، یک جوق باباسلر ، کلیسیا متولیلری ،
واتودوقلمک تقویہ سنه چالیشان دیگر ذواتده داخل اوله جقدر . پروغرامک
اک مهم ماده سی ادیان سائرہ و علی الخصوص دین اسلام ایله کورہ شک ایچون
لازم کلن تدابیری بولمدر .

دوشونکنز ! . . . عجباً مصرده اسلام اویسلری بوکی مسائل بسیطه یی
دوشونورلری ؟

لکن مصر دن باشقه بوبایدہ بزده بروطفه ترتب ایدیلور : عالم اسلامک
هر طرفدن عطش علم و عرفان ایله آوروپا یه سور و کلن کنجلی بزم دارالخلافه سز
جلب ایدہ سزی ؟ بوراسنی رجال دولتمزک و بالخاصہ معارف نظارتمزک نظر
دقتہ عرض ایدرز . . .

آلمانیا :

احمد ولی افندی برلین دارالفنونی — مصر جامع الازهر مدرسه سی
ودارالعلوم ، آذونلرندن ، براین السنه شرقیه مکتبی عربجه معلمی شیخ
احمد ولی افندی به برلین دارالفنونی طب فاکولته سی طرفندن فوق العاده
بر دیپلومه ایله دوكتور عنوانی ویرلشدر . مصر علماسندن بر ذاتک برلین
دارالفنونی طرفندن بویولده شرفلرہ مظهر اوله سی ایلک دفعہ واقع اولور .
بزده بونکله مفتخر .

برلین غزته لرندہ تصادف ایدیلن تفصیلاته کورہ احمد ولی افندی بوعنوانه
کسب استحقاق ایچون ابن ابی عصیبه طرفندن تألیف ایدیلن تاریخ طبک
اوج بابی توضیح ایتک و مؤلفک ترجمه حاله دأثر بر مقدمه یی حاوی بولونمشی
اوزرہ بر اثر تألیف ایتلشدر .

مؤلف مشار الیه یدی عصر اول یشامش اولوب عربستانده پک معروفدر .
تاریخ طب حقندہ کی اثری ، مختلف زمانلرده و مختلف مملکتلرده یشایان درت
یوز طبیب حقندہ و بالخاصہ یونان قدیم طبابتی حقندہ معلوماتی حاوی اولدینی
ایچون قیمتدار بروشفدر . احمد ولی افندی بو اثری کاملاً آلمانجه یه ترجمه
ایتک تصورنددر .

احمد ولی افندی پک چوق علما یشدیرمش معتبر بر عائلیه منسوب
اولوب ۲۲ کانون اول ۱۸۱۱ ده مصرده ، شرقیه ده « بوعلی » ده تولد
ایتلشدر . بدری جامع الازهر مدرسه سنده و خدیویه مکتبندہ معلمی . اول
ابتدائی مکتبده دوام ایله حفظ قرآنه چالشمش ، ۱۸۸۸ سنه سنده جامع
الازهر داخل اولمشدر . ۱۸۹۴ ده دارالعلومه دوامه باشلاهرق درت
سنه صکره دیپلومه آلمشدر . بر مدت مصر مکتبلرندہ معلمک ایتدکدن
صکره ۱۹۰۱ ده مصر خدیوی طرفندن عربجه معلمی صفتیله براین السنه شرقیه
مکتبده کوندرلشدر . احمد ولی افندی وظیفه سی ایفا ایله برابر دارالفنوندہ
طب و علوم طبیعی تحصیل ایتش و اخیراً دوكتورلق دیپلوماسی آلمشدر .
مصر حکومتی کندیسی صحیه مفتشلکنه تعیین ایتدیکندن تشرین اولده
برلیندن مفارقت ایدہ بکدر . الیوم برلین دارالفنوندہ یدی مصرلی کنج
طب تحصیل ایتکده در .

آلمانیا ده اسرار غزته سی — آلمانیا نک هامبورغ شهرنده فاسلی بکر
افندی طرفندن « اسلام » نامندہ برغزته نشرینه باشلاشمش . بکر افندی
آوروپا دیلرینه و احوالنه آشا برعانددر .

بلغارستان :

اتحاد ملیہ طوغری — جنوبی بلغارستانک اک غلبه لک و حتی برمیبعون
اسلام چیقارمه بیله وضعیت اجتماعی و قانونیه لر میساعده بولونان قیزانلق اهالی
اسلامیه سنه اولکی کون سر محرر من اتحاد ملی اوزرینه برقونفرانس ویرمش ،
صوک زمانلرده او محترم اهالی نک اختیار بابا لرله کنجلی آردہ سنده فکر آعارض
اولان اختلافک رفع و ازاله سی ایچون هر انکی طرفک محبوب قلوبی اولان سر
محرر من آرایه کبرمش ، غایت مؤثر سوزلر سوبله مش ، نهایت کنجلی ، اختیار پدر
محترم لرینک الارندن ، پدرلر ده کنج اولادلرینک کوزلرندن او پک صوتیله ملت
مصافحه ایتدیرمش ، بلغارستان اسلامک اک جمیتی واک مهم بر موقعندہ یشایان
انوان دیمز آراسنه صوقیلان تخم نفاق و شقاق یه برضریه اورولمش ، اتحاد
ملی یه طوغرو مهم برخطوه آیتلشدر . بو خصوصده قیزانلق اهالی اسلامیه سی
وجدانک اک صمیمی حسریله تبریک ایدر ، عموم قصبات اسلامیه سزک بو محترم
اخوانمزه امتثالنی نیاز ایلرز . « بالقان »

هندستان :

هندستانه انجمنول تشبی — هندستانده واسع مقیاسده براختلال تشبی کشف ایدلیدیکندن بحث ایتشدک . تائیس غزته سنک قالكوته مخابرندن آلدینی تلغرافنامهیه نظرأ هندستان ضابطه سی بوباده کی تحریات و تحقیقاته کمال فعالیتله دوام ایتکده در . (سانجیانی) غزته سنک اداره خانه سی ده بیوک برقوة مسلحه اعانه سیله تحری ایدلشدر . سلاح و بشقه آلات ناریه بولنه مشهده انکلتزه پارلمنتوسی اعضای سابقه ولاحقه سنندن بعض ذواته [اکثریتله سوسالیت فرقه سی منسوبینه] عائد مکتوبلر الده ایدلشدر . انکلیز غزته لری بومکتوبلره جوق اهمیت ویریور . مع مافیه مکتوب صاحب لرندن بعضیلری غزته لره ایضا حانمه لر کوندرو دک بویه بر تشبث اختلال کارانده مدخلدار اولدقلرینی واوله میه جقلرینی اثباته چالشمشدر .

§ انکلیز لری هندستاندن چیقارمق اعلان استقلاله چالشمق اوزره ترتیب ایدلش جمعیت خفیه ارکانندن بر جوق کشیلر یاقه لاندینی قالكوته دن اشمار اولیور .

فاس :

عرب — اسپانیا غرغانسک درامی — فاسک شمال طرفنده مسلمانلر ایله اسپانیا عسکری آره سننده یته محاربه یه باشلانیدی . ربف جوارنده ، طرفیندن بیکر کیشی مقتول ویا مجروح اولدینی سرویدر . فاسلیرک اسپانیایه قارشى جهاد اعلان ایلك ایستدکلری سولنیور . اسپانیا دائره نفوذینه بر اقیلان بومسلمانلره ظلم و تضییقه یته فرانسلرک معاونت عسکریلرینه مظهر اوله جقلری محقق عد اولیور .

مسلمانلری ؛ پواتیه ده مغلوب اولدقدن صکره اک شدتله تعقیب ایدن ایکی عدوی آمان اسپانیولرله فرانسلردور . اندلس مسلمانلری انکلیزیون و او طودافه لک آتش ودمیر لیه اشکنجه اولنیورکن سلیمان قانونی برشی یابامادی دیه مشارالیهی تنقید ایدن تاریخ ، اوزوالیلرک بقیه السیوفنی تحت اسارت آله چالیشان فرانسلر و اسپانیولره دوستلق کوسترن دول اسلامییه عجباً نه دیه جکدر ؟

مصادره — فرانسلر عساکر مستولیه سیله بدوی مسلمانلر آره سننده جدی برچاریده وقوعه کلشدر .

فرانس نظری — فاس دولت اسلامییه سی خارجیه نظارتیه اوتیه نبری فرانسه طرفدار ایله معروف (المقری) تمین اولمشدر . بو خبری یازان «الواء» رفیقمر «لاحول ولا قوه الا بالله» دیور ، عجباً او قدر می ؟

ایران :

طهران ۱۰ خمر — ۱۰ تموزده طهران سفارتنده رسم قبول پک پارلاق بر صورتده وقوع بولمشدر . بوتون هیئت سفرا واسکی ، یکی قایینه ارکانی حاضر بولومشدر .

ایران مجلس مبعوثانی ده ارکون عثمانی عید ملیسنی صمیمی بر وسیله ایله سلاملا مشدرکه هراجنبی مملکتده آز جوق یاییلان ۱۰ تموز شنلکلری ایله طهرانده کی بوشنلکک ، سلامک آراسنده کی فرق بوراده در . فی الحقیقه ارکون مجلس مبعوثانده بر ماده اوزرنده فوق العاده مناقشه ایدلش ، مناقشه مجادله شکلی آلاجنی بر صبراده رئیسک ، «عثالی قارده شلریمزک سوبندیکی بر کونده مجلس مبعوثانمزد غیر مناسب مجادله لر یاقیشیق آلیری ؟» اخطاری اوزرینه مجادله بردن بره کسب سکونت ایتش واعضا بویوم مسعودی فوق العاده آلفشلامشدر .

ایرانی قرداشلریمزک بزه قارشى هر وسیله دن استفاده ایدره ک ابراز ایتدکلری آثار اخوت وودادی بتون صمیمیتله آلفیشلارز : اتحاد منوی اسلامک دائم وقائم اولسنی اثبات ایچون الله بروشقه اولان بوکی تظاهرات حسنه ی بدیلرک بیش نظرینه تقدیم ایدرز ...

ایرانده عنوانه والفاک الفاسی — ایرانک دوچار اوله کلدیکی بر جوق امراض آراسنده برده لقب وعنوان «مرضی واریدی . هراوکنه ککنه مددب و مشمشع بر عنوان ولقب ویریلیوردی ! باری شو لقب وعنوان بر نطقدن عبارت اولسه یدی ! . . . خیر ، مددب و پارلاق عنوانلره ، لقبلره مالک اولانلر کندیلرینی ملت اوزرینه بر پادشاه کیلیمش کی کورییوردیلر . بوکره ایران هیئت علمییه سنک حیتی ایله ایران شو مرضدن تخلص ایدلدی : ایران قانون اساسینده موجود اولان بر ماده موجبجه هیئت علمییه بر فعل ، بر امر حقنده مخالف شرع در ، دییه فتوی ویررسه بونک حرام اولسی لازمدر ؛ ایشه هیئت علمییه بو حقندن استفاده ایدرک عنوان والفاک مخالف شرع شریف اوله سنه و بونلرک الفا واما ایدله سنه امر ویرمشدر . شرف و حقوق انسانیه ی تأیید ایدن شو فتوالرندن طولانی ایران هیئت علمییه شایان تبریکدر .

ایرانده یوسزیه نهر صر — همدانه بر ساعت مسافده ایران اشقیاسی پوسته یی اورمشدر . پوسته ده کرمانشاه شهیندرلکندن خارجیه نظارتیه کوندیلن بعض اوراق ایله ۳۷۹۵۷۱ غروش قیمتده یکریمی بیک سکزیوز آتمش دوت عدد شهیندرلک پولی ضایع اولمشدر .

مأمورین محل وقعه یه یتشمشدر ، اوراقه دو تونولمیدینی و ۳۳۱۰۹۰۰ غروشلق قیمتده بولک اکسیک اولدینی کورمشدر .

انکلتزه :

لندنده جامع شریفی ولیوربول مسلمانلری — لوندزه ده پایله جق جامع شریف ایچون ابور بولده چیقان «الهلال» غزته سی اداره سننده قرق بیک غروشه قریب اعانه طولیلامش .

ژاپونیا :

ژاپونیا ده اتحاد اسلام طرفدار ی — توکیوده انکلیزجه نشر اولنان «اخوت اسلامی» جریده اسلامییه سی دارالخلافه ده چیقان «العرب» غزته سنک عالم اسلام ایچون اهمیتندن و بخش ایده جکی فوایدن بر لسان ستایشله بحث ایدره ک بوندن سکرا ارتق یریوزنده دارمه طاغیق بر حالد بولنان ملیونلرجه اقوام مختلفه اسلامییه ک یکدیگر یله طانیشمسی ، برلشمسی اسبابی تأمین ایده جک بوکی جراند اسلامییه ک تکثری آرزو نی اظهار ایدیور .

چین :

چینه انتباه ملی — چینه بر سنه قدرسیاحت ایدن آمریقالی دو قنور غابل یازیور : «چینه اک زیاده نظرد قتمی جلب ایدن شیلردن بری هر برده بر فکر انقلاب موجود بولندینی کیفیت اولمشدر . بوسوزمله خاندان حکمداری علینده یاخود اجنبیلر علینده بر جریان افکار بولنیوردیک ایستیمورم . شو صوره ده چینک بحران آمیز بردوره تاریخیه کچیرمکده اولدینی عموم متفکرین صنفی آره سننده ظن اولیور . بناء علیه بویه بردوره تاریخیه ده تحت امپراطورینک بر جوق طرفندن اشغال اولنسندن طولانی عمومی بر افعال حس اولیور . حتی مأمورین حکومتدن بعضلرنده کندی اصول وعادات قدیمه لرینی مثلاً باشلرنده بر اقدقلری صاج قویروغنی ترک ایتک خصوصنده برانهماک مخصوص وارددر . دو قنور غابل چینه عسکرلکک انتشار وتعمندن بحثله شویله دیور : «چینک هر طرفنده مشهود اولان فعالیت عسکریه نظر حیرتمی جلب ایتدی . هر نریه کیتدم ایسه جیم بر اردو تشکیلی ایچون تدارکات فوق العاده کورلمکده اولدینی کوردم . یالکنز ولایت مرکز لرنده دکل دهها کوچک شهر لره یله علی الدوام نشان تعلیملری اجرا اولیور . آقبون استعمالی ده شدتله منع ایدیلور .»

«مطبعة خیریه» وشرکاسی مدیر مسئول : اشرف ارباب